

SCAMBIS A cressin i rapuarts cu la Cine

Une delegazion dal ufici Istruzion de ambassade cinese in Italie e à cjatât i rapresentants de Universitât dal Friûl inte sede dal retorât dal Ateneu furlan. L'Ufici de ambassade cinese si interesse dai lavòrs di coordinament e promoziun dal scambi studentesc e academic fra Cine e Italie. In chest contest, "cjapant la Universitât dal Friûl - al à fat savè la delegazion - un puest impuartant intal Nordest de Italie", l'obietif dal incuintri al jere chel di cognossi la situazion de colaborazion dal Ateneu furlan cu la Cine e fissâ lis pussibilitâts di colaborazion, aiût e supuart intun rapuart simpri plui aprofondit di scambi studentesc e academic cu la Cine. La delegazion, dopo di jessisi complimentade cul lavôr puartât indenant in chescj agns dal nestri Ateneu, in particolâr pal acet e il tutorât che Udin che al ufris ai students cinês, al à comunicât il so intindiment di impegnâsi par incressi lis relaziuns internazionâls fra la Universitât dal Friûl e lis cuindis Universitâts chinesis là che si insegne il talian".